

րակ և ավելի լայն տախտակներով: Այս ամբողջ պսակը ծածկվում է եղեգնով, կամ ավելի հաճախ՝ փշոտ կէճիի՝ գիհի ճյուղերով, ապա վրան հարդով և վերջը անջրաթափանց կավով, որն ամեն անձրեից հետո թափավ տփում են: Առաստաղի կառուցվածքի, ինչպես և փայտեղեն այլ մասերի համար գերադասում են կաղնու փայտը:

Զանգեզուրն էլ հայկական լեռնաշխարհի այն շրջանն է, որտեղ տանը ծածկի համար գործ է ածվում կաուր և ոչ տանիս, տանիք բառը, որը տարածված է արևմտյան և հարավային գավառներում: Կտուրի վրայից անձրևաջուրը հեռացնելու և պատերի վրայով հոսելուց պաշտպանելու համար, կտուրների կողերին հարմարեցվում են բավականին առաջ քաշված շուռուտկաններ՝ ջրորդան:

Սակայն այս ծանր պսակին նեցուկ են ծառայում ոչ միայն հիմնական շորս սյուները¹²: Նա որոշ չափով, մանավանդ իր լայն մասով, որը ստորին քառակուսին միացնում է պատերի քառակուսու հետ, հենվում է պատերին: Կպած կանգնեցրած օժանդակ սյուների վրա: Սրանք կանգնեցրած են և՛ անկյուններում, և՛ պատերի կողերին կպած 2—3, երբեմն շորս տեղ: Գլուխները միացած են հորիզոնական ձգվող գերաններով, որոնց ծայրերն իրար հետ ամուր կապված են: Այսպիսով, գոյանում է քարե պատերի զլխներին կպած և սյուներով նեցուկված փայտե քառակուսի, սովորաբար կէրաններ և ջուլտակներ քառակուսուց մի փոքր ցածր, որպեսզի այս երկու քառակուսիների արանքները լցնող տրակածներն ունենան թեթևություն դեպի դուրս: Պատերին ընկերակցող այս փայտե վանդակը¹³ կոչվում է հրհօրմի¹⁴, որը առօրմի բառի աղավաղումն է, հայկական ուրիշ գավառների ճարտարապետության մեջ այլ և այլ, բայց միշտ իրար մերձհնչուն ձևերով կրկնվող: Պատահում են հացատօն և առանց հրհօրմի, քանի որ ծածկի ծանրությունն ընդունում են գլխավորապես շորս սյուները, և ոչ թե պատերը, որոնք այդ պատճառով կարող են կառուցվել թույլ շաղախով, առանց կիր ու ավազի գործածության և կոշված են ոչ թե տանիքն իրենց վրա կրելու, այլ միայն կողերի բաց տարածությունները լցնելու: Հրհօրմին կատարում է լրացուցիչ դեր և թեթևացնում է պատերն այն ծանրությունից, որը ունի ստորին հարկի և պատերի քառակուսիների միջև փռված տանիքի համեմատաբար փոքր մասը: Դրանով չեզոքացվում է այն պակասությունը, որն առաջ է գալիս պատերի ոչ ամուր միադանդված կառուցման հետևանքով: Հրհօրմի օգնությամբ տանիքի ծանրության որոշ չափով սյուների բեռնաթափումը կարևոր է մանավանդ այնպիսի երկրում, որտեղ երկրաշարժը կրկնվող երևույթ է: Պետք է նշել այն հանգամանքը, որ 1931 թ. երկրաշարժի ժամանակ բնակչությունն իրեն ավելի ապահով էր զգում հացատօնը, քան թե այլ ձևի տների մեջ: Այդ աղետից քանդված մի հացատօնի լուսանկարը Տաթևում, որը մեր գիտարշավն է հանել, ցույց է տալիս, թե ինչպես տանիքը հաստատված է մնացել իր շորս սյուների վրա, չնայած որ պատերը փլել են: Մեր պատմագիրներից մեկը, Զաքարիա սարկավազը, նկարագրելով 1679 թ. սոսկալի երկրաշարժը, որի ավերմունքներին ենթարկվեց ոչ միայն Նրևանը, այլև շատ հեռու շրջակայքը, երբ Նրևանում

¹² Ժողովրդական ասացվածքով, տան տունի հետ է համեմատվում ընտանիքի այն անդամը, որը տան բարօրության հիմքն է:

¹³ Կարպա.

¹⁴ Այլ գավառներում կոչվում է ահօրմի կամ ափօրմի: